

لو تسمى

أوعى ف مشاكلك تسرحى

ولا بأسرارك تصرحى

أوعى همومك تغلبك

وقلة النوم تتعبك

اضحكى من قلبك كركرى

بلاش تسهرى وتفكرى

لو تسمى

مش كل كلمة تزعلك

مش كل حاجة تحيرك

خلى مزاجك دايم رايق

أصل الحياة عايزة الفايق

حاسبى من دوامة الايام تبلعك ...
تنسى نفسك ومين ينفعك
خدى الأمور زى ماهية
مهى الأيام معدية
محتاجة ناس بس قوية ...
بالعقل مش بالعضلات
خليكى هادية بلاش عصبية ..
بالراحة تتحل الأزمات
لو تسمحى
ابتسمى للحياة وافرحى
ازوقى وروقى
ولشعرك الجميل سرحى
أملى حياتك بالأمل
قولى لورودك فتحى

الولاد عوديههم ع النظام
عرفيههم الحلال من الحرام
وزعى عليهم المهام
متقوليش لأ حرام
لو تسمحي
أنت اللي معاكى كل الخيوط
أنت أساس كل البيوت ...
انت الأمان أنت الحنان
أنت الكلام وبتعرفى امتى السكوت
لو تسمحي
أوعى لنفسك تهملى ..
ولا عشان راجل أنانى تتحملى
وتشيلى فوق طاقتك زيادة
ح تكبرى قبل الأوان

لو تسمى
لو تعبانة من الأعباء رىحى
على نفسك لازم تطببى
واجهى المشاكل
بالذكاء ليه تهربى
الحياة حلوة وجميلة
من كاسها لازم تشربى
والدنيا واسعة وكبيرة
اخرجى وعليها افرجى
شوفى لك هواية تكون جميلة
بلاش تبقى قليلة الحيلة
وتقومى ف العيال تضربى